

Mescos cu muchanan cu ADHD

Muchanan cu tin PDD mester di e atencion debido pa nan por tin un enseñanza normal

ORANJESTAD – E desorden di PDD (Pervasive Developmental Disorder) ta poco comun na Aruba, mescos cu ADHD (Attention deficit hyperactivity disorder). Tin biaha muchanan cu ta bay scol cu tin e tipo di deficienciaan aki ta wordo considera como bobo of hiperactivo demas, cual ta totalmente erroneo. Resaltando ta cu e desorden aki ta manifestando mas y mas na Aruba. Lamentabel ta cu no tin e educacion adecuado pa e muchanan aki y hopi biaha nan ta keda atras den les, sin tin e ayudo necesario.

KICO TA PDD

PDD (Pervasive Developmental Disorder), opuesto na e Desorden di desaroyo specifico (SDD – Specific Developmental disorders), ta referi na un grupo di cinco desorden caracteriza dor di tardansa den desaroyo di funcionnan basico multiple, cu ta inclui socialisacion y comunicacion. E desorden ta consisti di lo siguiente:

Pervasive Developmental Disorder, cu ta inclui autismo atipico, Autismo, e sindroma di Asperger (ora un mucha no ta comunica por completo), sindroma di Rett y desorden di desintegrativo infantil (CDD – Childhood disintegrative disorder)

E prome tres di e desorden aki, normalmente ta wordo yama “Autism Spectrum disorders”. E ultimo dos ta hopi mas peculiar. Tin biaha nan ta wordo ubica den e categoria di Autism Spectrum, pero tin biaha no.

E cuminsamento di PDD ta sosode durante infancia, pero e condicion usualmente no ta wordo identifica te cu e mucha tin mas of menos 3 aña bieu. Mayornan por cuminsa cuestiona e salud di nan yiu ora cu e metanan di desaroyo no wordo cumpli, incluyendo e motoriek apropiada segun e edad di e mucha y tambe e habla.

Tin un division entre dokternan cu ta uza e termino di PDD. Hopi di nan ta uza PDD como un manera cortico pa bisa PDD – NOS. Otronan ta uza generalmente e categoria di PDD pasobra nan ta pura pa diagnostica muchanan hopi chikito cu un tipo specifico di PDD, manera autismo. Ambos acercamento ta contribui na confusion riba e termino aki, pasobra e termino PDD realmente ta referi na un categoria di desorden y no ta un label di diagnostica.

Na mei 2013, e di cinco edicion di “Diagnostic and Statistical Manual, a wordo publica, cu e up date di clasificacion pa muchanan cu PDD. E agrupacion di e desorden, incluyendo PDD-NOS, Autismo, Asperger Syndrome, Rett Syndrome y CDD, a wordo cambia y a keda reemplaza cu e termino general di Autism Spectrum Disorders. E asociacion Psiquiatrico Mericano a conclui cu uzando e diagnostica general di ASD ta sostene mas diagnosisnan specifico. E combinacion di e desorden aki tambe a keda fomenta for di e punto di bista cu Autismo ta wordo caracteriza pa un sintoma comun y pa e motibo ey mester carga e termino di diagnostica singular. Den e orden pa e wordo distingui entre e desorden diferente, DSM-V ta aplica nivelnan di severidad. E nivelnan di severidad ta tumna na cuenta di e sosten rekeri, interesnan restringi y comportacion cu ta ripiti y deficiencia den comunicacion social.

PDD Y PDD-NOS

PDD no ta un diagnosis, mientras cu PDD-NOS ta un diagnosis. Pa complica mas e asunto, PDD-NOS por tambe wordo referi como “atypical personality development”, “atypical PDD” of “atypical Autism”. Debi cu “NOS”, cu ta nifica “not otherwise specified”, ta duro pa describi kico PDD-

NOS ta, otro cu ta un Autism Spectrum Disorder (ASD). Algun hende diagnostica cu PDD-NOS ta cerca di tin e sindrome di Asperger, pero no realmente ta fit in. Otronan tin autismo completo, pero sin algun di su sintomanan. E area di psicologia ta wordo considera di crea varios sub gradonan dentro di PDD-NOS.

SINTOMANAN

Sintomanan di PDD por inclui problemanan di comportacion y comunicacion manera:

Dificultad den uza y comprende lenguahe.

Dificultad pa relaciona cu hende, obheto y eventonan, manera por ehempel falta di contacto visual, comportacion di culpa y falta di re-

spons di cara.

Weganan no usual cu coy hunga y otro obhetonan.

Dificultad cu cambianan den rutina of ambiente familiar.

Movimiento di curpa cu ta ripiti of patronchinan di comportacion, manera klap den man, hungamento di cable, batimento di pia of mas movimiento completo.

Dificultad pa regula comportacion y emocionnan, cu por resulta den temperamento explosivo, ansiedad y agresion.

GRADONAN

Muchanan cu PDD ta varia ampliamente den habilidad, inteligencia y comportacion. Algun mucha no ta papia nada, nada, otronan ta papia den frase of comersacion limita y algun tin relativamente un desaroyo di len-

guahe normal. Habilidad cu ta ripiti di wega y habilidad social limita ta generalmente evidente tambe contestanan no usual pa informacionnan sensorial – zonidonan duro, luz – tambe ta comun.

DIAGNOSIS

Diagnosis usualmente ta wordo haci durante infancia. Cu e publicacion di DSM – 5 na mei 2013, e diagnosis di PDD a wordo movi y reemplaza pa Autism Spectrum Disorders. Distincion entre desorden di pasado ta wordo implica pa un serie di nivelnan di severidad. Individual cu ta ricibi diagnosisnan basa riba DSM-IV mester mantene ainda nan diagnosis bao di autism spectrum disorders.

Continuacion riba Pag.8

Muchanan cu tin PDD...

Continuacion di Pag. 7

Un estudio publica na october 2012 di American Journal of Psychiatry, a conclui cu 91% di muchanan cu diagnosisnan di PDD for di DSM-IV a tene nan diagnosisnan bao di autismo spectrum disorders diagnosis uzando DSM - 5.

Debi na e reciente lansamento di e criterio nobo di diagnostica, e cambio den clasificacion y diagnosisnan lo ta gradual. Adicional, e reemplazo di PDD cu Autismo Spectrum Disorders a enfrenta gran critica for di esnan cu a wordo diagnostica den pasado y nan famia. Prome cu e lansamento di DSM-5, algun dokter a uza PDD-NOS como un diagnostica temporario pa muchanan bao di edad di cinco aña, pa ki rason cu por ta, nan tabata reluctante pa diagnostica autismo. Tabata tin varios justificacion pa esaki. Muchanan hopi jong pa cuminsa, tin interaccion social limita y habilidad di comunicacion, asina ta e por ta tiki fastioso pa diagnostica casonan menos severo di autismo den peuters.

E asumpcion ta cu pa edad di cinco aña, comportacion no usual lo por tanto resolve of desaroya den autismo diagnostica. Sinembargo, algun mayor ta mira label di PDD como no otro cu eufemismo pa autism spectrum disorders, problematica debi cu e label aki ta haci mas dificil pa ricibi ayudo den un intervencion tempran durante infancia.

CUIDO

Remedinan cu ta wordo uza pa adresa cierto problemanan di comportacion, terapia pa muchanan cu PDD mester ta specialisa di acuerdo cu e necesidadnan specifico di un mucha. Algun mucha cu PDD ta beneficia di klasnan specialisa caminda e tamaño di e klas ta chikito y e instruccionnan ta wordo riba un base un riba un. Otro funcion den standard cu klasnan special di educacion of klasnan regular cu sosten. Intervencion tempran, incluyendo programanan educacional apropia y specialisa y servicionan di sosten, ta hunta un rol critico den mehoracion di e resultado di individuonan cu PDD. □